



20 20 йил « 19 » 02

№ 08-44

« ____ » _____ 20 ____ год

**Таълим сифатини назорат қилиш бўлими
фаолиятини ташкил этиш тўғрисида**

Ўзбекистон Республикаси Президентининг 2017 йил 28 апрелдаги “Тошкент давлат юридик университетида кадрлар тайёрлаш тизимини тубдан такомиллаштириш ва самарадорлигини ошириш чора-тадбирлари тўғрисида”ги ПҚ–2932-сон қарори, Вазирлар Маҳкамасининг 2017 йил 18 июлдаги “Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси фаолиятини ташкил этиш тўғрисида”ги 515-сон қарори ҳамда Олий таълим муассасалари бошқарув, техник, хизмат кўрсатувчи ва ўқув-ёрдамчи ходимларининг намунавий штатларини тасдиқлаш тўғрисидаги қарори (2017 йил 21 февраль, рўйхат рақами 2859)нинг иловасига мувофиқ, шунингдек, университетда янги бўлим фаолиятини ташкил этиш мақсадида

БУЮРАМАН:

1. Ўзбекистон Республикаси Молия вазирлигининг 2020 йил 18 январдаги 04/05-12-06-32/320-сон, Олий ва ўрта махсус таълим вазирлигининг 5 февралдаги 87-04-453-сон, Адлия вазирлигининг 24 январдаги 14/6-5/176-сон, 7 февралдаги 14/6-5/868-сон ҳамда Бандлик ва меҳнат муносабатлари вазирлигининг 10 январдаги 01/00-04/09-342-сон ҳамда 10 февралдаги 01/00-04/09-1225-сон хатлари маълумот ва ижро учун қабул қилинсин.

2. 2020 йил 1 февралдан университетнинг бюджетдан ташқари маблағлари ҳисобидан молиялаштириладиган Таълим сифатини назорат қилиш бўлими ташкил этилсин.

3. 2020 йил 1 февралдан:

1-курс декани ўринбосари (0,5 ставка) ва 2-курс декани ўринбосари (0,5 ставка) штат бирликларини қисқартириш ҳисобига бўлим бошлиғи;

Ахборот технологиялари марказининг ахборот хавфсизлигини таъминлаш бўлими бошлиғи ҳамда Ахборот-русурс марказининг хорижий ахборот-кутубхона русурслари билан ишлаш бўлими мудири штат бирликларини қисқартириш ҳисобига 2 та бош мутахассис штат бирликлари жорий этилсин.

4. Тошкент давлат юридик университети Таълим сифатини назорат қилиш бўлими тўғрисидаги низом иловага мувофиқ тасдиқлансин.

5. Эксплуатация-хўжалик бўлими (И.Бозаров) Таълим сифатини назорат қилиш бўлими фаолиятини самарали ташкил этиш учун зарур шарт-шароитлар яратсин.

6. Кадрлар бўлими (А.Матмуротов) ва юрисконсулт А.Сафаров университет ички директив ҳужжатларини ушбу буйруққа мувофиқлаштириш чораларини кўрсин.

7. Молия-иқтисод бўлими (А.Рахимов) университетнинг бошқарув, техник, хизмат кўрсатувчи ва ўқув-ёрдамчи ходимлари ҳамда профессор-ўқитувчилар таркиби бўйича штат жадвалини мазкур буйруқдан келиб чиққан ҳолда қайтадан ишлаб чиқиб, 2020 йил 1 февралдан жорий этилишини таъминласин.

8. Мазкур буйруқнинг бажарилишини назорат қилишни ўз зиммамда қолдираман.

Адлия вазири
Ўринбосари – ректор



Р. Ҳакимов